

徐氏醫學十六種

吳江徐靈胎洞溪著

濕

金匱

太陽病關節皮痛而煩脈沈而細者此名濕痺濕痺之候小便不利大便反快但當利其小便 濕家之為病一身盡疼發熱身色如黃也此黃與黃疸各別 濕家其人但頭汗出背強欲得被覆向大若下之早則噦或胸滿小便不利 舌上如胎者以丹田有熱胸上有寒渴欲得飲而不能飲則口燥煩也 濕家下之頰上汗出微喘小便利者死若下利不止者亦死 風濕相搏一身盡疼法當汗出而解值天陰雨不止醫云此可發汗汗之病不愈者何也蓋發其汗汗大出者但風氣去濕氣在是故不愈也若治風濕者發其汗但微微欲出汗者風濕便去也 濕家病身疼發熱面黃而喘頭痛鼻塞而煩其脈大自能飲食腹中和無病病在頭中寒濕故鼻塞納藥鼻中則愈納藥之藥金匱未載俟廣求其法以補之亦不過牙兒麻蒂之類

濕方

麻黃加木湯金匱 濕家身煩疼可與麻黃加木湯發其汗為宜慎不可以火攻之

麻黃三兩 桂枝二兩 甘草一兩 杏仁七十個 白朮四兩 右五味以水九升先煮麻黃減二升去上

沫納諸藥者取二升半去滓溫服八合覆取微似汗此濕家發汗之主方

防己黃耆湯金匱 風濕脈浮身重汗出惡風者此湯主之

防己一兩 甘草半兩 白朮七錢 黃耆一兩一分 去蘆 右剉麻豆大每抄五錢匕生薑四片大棗一

枚水盞半煎八分去滓溫服良久再服 喘者加麻黃半兩 胃中不和者加芍藥三分 氣上衝者

加桂枝三分。下有陳寒者加細辛三分。服後當如蟲行皮中。從腰下如冰後坐被上。又以一被繞腰下。溫令微汗差。

麻黃杏仁薏苡甘草湯金。病者一身盡疼。發熱日晡所劇者。名風濕。此病傷於汗出當風。或久傷取冷所致也。

麻黃解湯泡甘草一兩薏苡仁半兩杏仁十個去尖炒。右剉麻豆大。每服四錢水一盞半。煮八分。去滓。溫服。有微汗避風。

桂枝附子湯金。傷寒八九日。風濕相搏。身體痠痛。不能自轉側。不嘔不渴。脈浮虛而澀者。桂枝附子湯主之。若大便堅。小便自利者。去桂加白朮湯主之。

桂枝四兩去皮生薑三兩切附子三枚泡去皮破八片甘草二兩大棗十二枚擘。右五味以水六升。煮取二升。去滓分溫三服。

白朮附子湯金。白朮二兩附子一枚半泡去皮甘草一兩生薑半兩切大棗六枚。右五味以水三升。煮取一升。去滓分溫三服。一服覺身重。半日許再服。三服多。盡其人如冒狀。勿怪。即是木附並走皮中。逐水氣未得除故耳。

甘草附子湯金。風濕相搏。骨節痠痛。掣痛不得屈伸。近之則痛劇。汗出短氣。小便不利。惡風不欲去衣。或身微腫者。此湯主之。

甘草二兩附子二枚泡去皮白朮二兩桂枝四兩去皮。右四味以水六升。煮取三升。去滓溫服一升。日三服。初服得微汗。則解能食。汗出復煩者。服五合。恐一升多者。服六七合為妙。此風濕而兼寒者

二妙散丹。治筋骨痠痛。因濕熱者。如有氣加氣藥。如血虛加血藥。如痛甚。以薑汁熱服之。

黃柏炒蒼朮炒。右為末。生薑汁酒湯調服。如表實者。少酒佐之。

黃柏不外乎此 蒼木不炒 右為末生薑研泔湯調服如表實者少酒佐之之濕陰燥之謂方之義

黑地黃丸動視

喝

金匱

太陽中喝發熱惡寒身重而疼其脈弦細孔遲小便已灑灑然毛聳手足逆冷小有勞身即熱口開前板齒燥者發其汗則惡寒甚加溫針則發熱甚若下之則淋甚此中喝乃中時行之熱氣與卒然中暑病象如霍亂者不同當別之

喝方

白虎人參湯陰 太陽中熱者喝是也汗出惡寒身熱而渴此湯主之

知母六兩 石膏一斤 甘草二兩 粳米六合 人參三兩 右五味以水一斗煮米熟湯成去滓溫服一

升日三服熱入裏則外惡寒清裏熱則惡寒自解然亦須詳審有表無表方為精密凡屬汗出多之病無不惡寒者以其惡寒汗出而誤認為寒用大順散等熱劑則立危矣

一物瓜蒂散金 太陽中喝身熱夜重而脈微弱此以夏月傷冷水水行皮中所致也

瓜蒂二十 瓜蒂個 右剉以水一升煮取五合去滓頓服此方服之當吐

香薷飲扁 治暑熱乘涼飲冷陽氣為陰邪所遏頭痛發熱惡寒煩躁口渴腹滿吐瀉者

香薷一斤 厚朴薑汁 白扁豆炒各半斤 右水煎浸冷服此治時行暑病之主方其分兩則五錢至一兩止

十味香薷飲 即前方加人參甘草黃耆木瓜陳皮白木茯苓

黃連香薷飲 即香薷飲加黃連四兩薑汁同炒黃色

枇杷散扁 治中暑伏熱煩渴引飲嘔逆惡心頭目眩暈

枇杷葉 陳皮 丁香 厚朴各五錢 白茅根 麥冬 木瓜 甘草各香茹七錢

右為末每二錢薑三片煎湯調服溫服亦可如煩躁井水調下小兒三歲以下服五分量大小加減

蟾酥丸方

茅末 雄黃各一錢 辰砂五錢 麝香一錢 丁香 牙兒各三錢 蟾酥五錢 右用火酒化蟾酥打丸

如鳳仙子大辰砂為衣故舌底化下重者二三丸

千金丹秘方即人馬平安散

麝香 冰片各二錢 硃砂五錢 雄黃 硼砂 硝石各一錢 金箔一百張或加牛黃 右七味為末或水服

二三分或嗅少許於鼻內

又刮痧法 用薄錢醱香油刮胸背及臂股灣今色紫疹起為度或用婦人縛髮油繩醱油刮亦可

紫金錠 蘇合丸疔 藿香正氣散疔 生脈飲 六一散以上俱見通治

痰瘧

素問

瘧論黃帝問曰夫痰瘧皆生於風其畜作有時者何也岐伯曰瘧之始發也先起於毫毛伸欠乃作寒慄

鼓鍾腰脊俱痛寒去則內外皆熱頭痛如破渴欲冷飲帝曰何氣使然岐伯曰陰陽上下交爭虛實更作

陰陽相移也陽并於陰則陰實而陽虛陽明虛則寒慄鼓鍾也巨陽虛則腰背項痛三陽俱虛則陰氣

勝陰氣勝則骨寒而痛寒生於內故中外皆寒陽盛則外熱陰虛則內熱外內皆熱則喘而渴故欲冷飲

也此皆得之夏傷於暑熱氣盛藏於皮膚之內腸胃之外此榮氣之所舍也此令人汗孔疎腠理開因得

秋氣汗出遇風及得之以浴水氣舍於皮膚之內與衛氣并居衛氣者晝行於陽夜行於陰此氣得陽

而外出得陰而內薄內外相薄是以日作帝曰其間日作者何也岐伯曰其氣之舍深內薄於陰陽氣獨發陰邪內著陰與陽爭不得出是以間日而作也帝曰其作日晏與日早者何氣使然岐伯曰邪氣客於風府循督而下衛氣一日一夜大會於風府其明日日下一節故其作也晏此先客於脊背也每至於風府則腰理開腰理開則邪氣入邪氣入則病作以此日作稍稍益其出於風府日下一節二十五日下至脈骨二十六日入於脊內注於伏膂之內其氣上行九日出於缺盆之中其氣日高故作日益早其間日發者由邪氣內薄於五臟橫連募原其道遠其氣深其行遲不能與衛氣俱行不得皆出故間日乃作也帝曰夫子言衛氣每至於風府腰理乃發發則邪氣入入則病作今衛氣日下一節其氣之發也不當風府其日作者奈何岐伯曰此邪氣客於頭項循督而下者也故虛實不同邪中異所則不得當其風府也故邪中於頭項氣至頭項而病中於背氣至背而病中於腰脊氣至腰脊而病中於手足氣至手足而病衛氣之所在與邪氣相合則病作故風無常府衛氣之所發必開其腰理邪氣之所合則其府也帝曰善夫風之與瘧也相似同類而風獨常在瘧得有時而休者何也岐伯曰風氣留其處故常在瘧氣隨經絡沈以內薄故衛氣應乃作帝曰瘧先寒而後熱者何也岐伯曰夏傷於大暑其汗大出腰理開發因遇夏氣淒滄之水寒藏於腰理皮膚之中秋傷於風則病成矣夫寒者陰氣也風者陽氣也先傷於寒而後傷於風故先寒而後熱病以時作名曰寒瘧帝曰先熱而後寒者何也岐伯曰此先傷於風而後傷於寒故先熱而後寒亦以時作名曰溫瘧其但熱而不寒者陰氣先絕陽氣獨發則少氣煩冤手足熱而欲嘔名曰瘧瘧而論此等極多不獨論瘧為然故學者當以意會也岐伯曰瘧之且發也陰陽之且移也必從四末始也陽已傷陰從之故先其時堅走其處令邪氣不得入陰氣不得出審候見之在孫絡盛堅而血者皆取之此真往而未得并者也帝曰時有間二日或至數日發或渴或不渴其故何也岐伯曰其間日

者邪氣與衛氣客於六腑而有時相失不能相得故休數日乃作也 其以秋病者寒甚以冬病者寒不甚以春病者惡風以夏病者多汗 瘧脈緩大虛便宜用藥不宜用鍼凡治瘧先發如食頃乃可以治過之則失時也 諸瘧而脈不見刺十指間出血血去必已先視身之赤如小豆者盡取之 瘧疾藥當在未來簡易可學不必習針法皆能之亦治瘧之要訣也

風瘧 素生氣通天論魄汗未盡形弱而氣燥以腠以閉發為風瘧 又云夏傷於暑秋為痲瘧發者一

似瘧 素生真要大論帝曰火熱復惡寒發熱如有瘧狀或一日發或間數日發其故何也岐伯曰勝復之氣會合之時有多少也陰氣多而陽氣少則其發日遠陽氣多而陰氣少則其發日近此勝復相搏盛衰之節瘧亦同法 瘧亦同法則非瘧可知

金匱

師曰瘧脈自弦弦數者多熱弦遲者多寒弦小緊者下之差弦遲者可溫之弦緊者可發汗針灸也浮大者可吐之弦數者風發也以飲食消食止之但熱不寒者邪氣內藏於心外舍分肉之間令人消燥肌肉壯瘧 瘧多寒者名曰牡瘧 似當作此字諸本皆作牡存考

瘧方

龍甲煎丸 瘧病瘧以月一日發當以十五日愈設不差當月盡解如其不差當云何師曰此結為瘧瘕

名曰瘧母急治之宜此方

- 龍甲十一分 烏扇三分 黃芩三分 柴胡六分 鼠婦三分 乾薑三分 大黃三分 芍藥五分 桂枝
- 草薤八分 石韋三分 厚朴三分 牡丹五分 瞿麥二分 紫葳三分 半夏一分 人參一分 蠶蟲五分

何舉三分 陸巢四分 赤白十二 號良六分 非二分 古二十三 未為元 後重三

阿膠三分 蜂窠四分 赤消十二 蛻蝦六分 桃仁二分 右二十三味為末取燂龜下灰一斗清酒一

斛五斗浸灰候酒盡一半著鼈甲於中煮令泛爛如膠漆絞取汁納諸藥煎為丸如梧子大空心服七

丸日三服

白虎加桂枝湯金匱 溫瘧者其脈如平身無寒但熱骨節疼煩時吐此湯主之

知母六兩 甘草二兩 石膏一斤 粳米二合 桂枝三兩 右剉每五錢水一盞半煮至八分去滓溫服

汗出愈內經以先熱後寒為溫瘧但熱不寒為瘧瘧

蜀漆散金匱 瘧多寒者名曰牡瘧此湯主之牡宜作北

蜀漆洗去腥 雲母燒二日夜 龍骨等分 右三味杵為散未發前以漿水服半錢匕 溫瘧加蜀漆半分臨

發時服一錢匕

柴胡去半夏加括蕒湯金匱 治瘧病發渴者亦治勞瘧

柴胡八兩 人參 黃芩 甘草各三兩 括蕒根四兩 生薑二兩 大棗十二枚 右七味以水一斗二

升煮取六升去滓煎取三升溫服一升日二服

柴胡桂薑湯金匱 治瘧寒多微有熱或但寒不熱

柴胡半斤 桂枝三兩 乾薑二兩 括蕒根四兩 黃芩三兩 牡蠣二兩 甘草二兩 右七味以水一斗二

升煮取六升去滓再煎取三升日三服初服微煩復服汗出便愈

蜀漆丸金匱 主痰瘧連年不差服三七日定差方

蜀漆 知母 白薇 地骨皮 麥門冬去心 升麻各五兩 恒山一兩 石膏二兩 香豉一合

姜麩 烏梅肉 鼈甲 甘草各一兩 右十三味搗篩為末煉蜜和丸如桐子大空腹飲服

蜀漆丸 卷四 痰瘧



十九日再加至三十九日此方治三日瘧為宜

陵鯉湯鈇 主瘧疾江南瘧瘧方

陵鯉甲四十枚 烏賊魚骨

附子砲各一兩 兩去皮 恒山三兩

右五味咬咀以酒三升漬一宿未發前稍

噉之勿絕吐之并塗五心一日斷食過時久乃食用生藥探吐法

療瘧病醫不能救者方千金

外治截瘧法

以繩量病人脚圍繞足跟及五指一匝訖截斷繩取所量

繩置項上著反向背上當繩頭處中脊骨上灸三十壯則定候春復惡寒急灸三十壯則定候至過發

一炊久候之雖飢勿與食盡日此神驗男左足女右足

療瘧常山湯外 吐法

常山三兩

右一味切以漿水三升浸經一宿煎取一升欲發前頓服之後微吐差止忌生葱生菜

牡蠣湯外 治牡瘧

牡蠣四兩 麻黃四兩 甘草二兩 蜀漆二兩

右四味以水八升先煮蜀漆麻黃去上沫得六升納諸

藥煮取二升溫服一升若吐則勿更服

清脾湯生 治熱多陽瘧

青皮 厚朴 柴胡 黃芩 半夏 甘草 茯苓 白朮 草果煨 右九

味加薑三片水煎服

常山飲局 治疾瘧

常山炒 酒知母 貝母 草果 檳榔各一個 烏梅三個 右六味加薑薑煎瘧未發時而東

溫服

烏梅引子 療溫瘧勞瘧

烏梅七個 桃柳心各七 葱白七莖 豆豉一合 甘草四分 柴胡四分 知母四分 大黃三分 右八味各

細對以童子小便兩茶椀宿浸明且早煎三二沸去滓頓服差未差更作服三服永差忌海藻松菜

集驗瘧必從四肢始療方 先其時一日頃用細左索繩繫束其手足十指過發時乃解之此即納

四獸湯鰓 治食瘧諸瘧和胃消痰

半夏 人參 茯苓 白朮 橘紅 草果 生薑 烏梅 大棗

甘草各等 右以鹽少許淹食頃濕紙厚裹慢火煨香熟每服四錢溫服

小柴胡湯寒傷 治瘧之治不外諸方惟三日瘧則煎劑不能取效宜病日用煎方以驅邪餘兩日用溫

補以扶元氣又加避風靜養則庶幾矣

痢

素問

通評虛實論帝曰腸澼使血何如岐伯曰身熱則死寒則生帝曰腸澼下白沫何如岐伯曰脈沈則生脈

浮則死帝曰腸澼下膿何如岐伯曰脈懸絕則死滑大則生帝曰腸澼之屬身不熱脈不懸絕何如岐伯

曰滑大者曰生懸滑者曰死以臟期之 氣厥論腎移熱於脾傳為虛腸澼死不可治 大奇論腎脈小

搏沈為腸澼下血血溫身熱者死心肝澼亦下血二臟同病者可治其脈小沈滑為腸澼其身熱者死

太陰陽明論犯賊風虛邪陽受之飲食不節起居不時者陰受之陽受之則入六腑陰受之則入五臟入

六腑則身熱不時卧上為喘呼入五臟則填滿閉塞下為殄泄久為腸澼此俗所謂腸紅病也

全置

六腑氣絕於外者手足寒上氣腳縮五臟氣絕於內者痢不禁下甚者手足不仁 下痢脈沈弦者下重  
脈大者為未止脈微弱數者為欲自止雖發熱不死 下痢手足厥冷無脈者灸之不溫若脈不還反微  
喘者死少陰負跌陽者為順也 下痢有微熱而渴脈弱者令自愈下痢渴者自愈以陽氣復而寒邪去也 下痢脈數有微  
熱汗出令自愈設脈緊為未解 下痢脈數而渴者令自愈設不差必清膿血以有熱故也 下痢氣者  
當利其小便 下痢清穀不可攻其表汗出必脹滿 下痢脈沈而遲其人面少赤身有微熱下痢清穀  
者必鬱冒汗出而解病人必微厥所以然者其面帶陽下虛故也 下痢後脈絕手足厥冷時時脈還手  
足溫者生不還者死 下痢腹脹滿身體痠痛者先溫其裏乃攻其表以上諸證皆屬陰寒之痢非暑毒之痢也治法大相懸殊

病源

痢而赤白者是熱乘於血血滲於腸內則赤也冷氣入腸搏腸間津液凝滯則白也冷熱相交故赤白相  
雜重者狀如膿涕而血雜之輕者白膿上有赤脈薄血狀如魚脂腦世謂魚腦痢也 血痢者熱毒折於  
血入大腸故也 休息痢者胃腕有停飲因痢積久或冷氣或熱氣乘之氣動於飲則飲動而腸虛受之  
故為痢也 痢如膏由臟腑虛冷氣入於大腸成痢冷氣積腸又虛滑脂凝如膏也 蠱毒痢毒氣侵於  
臟腑如病蠱蛙之家痢血雜膿瘀黑有片如雞肝與血俱下是也 雜痢謂痢色無定或水穀或膿血或  
青或黃或赤或白變雜無常或雜色相兼而痢也挾熱則黃赤熱甚則變膿血也冷則白冷甚則青黑皆  
由飲食不節冷熱不調胃氣虛故變易

痢方

桃花湯 下痢便膿血者此湯主之

赤石脂 一斤 半剉 乾薑 一兩 粳米 一升 右三味以水七升煮米令熟去滓溫服七合納赤石脂

末方寸匕日三服若月餘食多月滑脫之痢  
白頭翁湯論熱刺下重者此湯主之

白頭翁 黃連 黃柏 秦皮各三 右四味以水七升煮取二升去滓溫服一升不愈再服

紫參湯論下痢肺痛此湯主之

紫參半斤 甘草三兩 右二味以水五升先煮紫參納甘草煮取一升半分溫三服紫參疑即爛上紫紅色者

訶梨勒散論治氣痢

訶梨勒十枚 右一味為散粥飲和頓服

甘草瀉心湯論傷寒中風醫反下之其人下痢日數行穀不化腹中雷鳴心下痞鞭而滿乾嘔心煩

不得安此湯主之

甘草四兩 黃芩 乾薑各三 半夏半升 黃連一兩 大棗十二 右六味以水一斗煮取六升去滓

再煎取三升溫服一升日三服此治上焦不和之痢

黃芩湯論太陽與少陽合病自下利者與黃芩湯若嘔者黃芩加半夏生薑湯 若傷寒本自寒下

醫復吐下之寒格更逆吐下若食入口即吐乾薑黃連黃芩人參湯主之

黃芩三兩 甘草 芍藥各二 大棗十二 右四味以水一斗煮取三升去滓溫服一升日再夜一

服此熱痢之主方

黃芩加半夏生薑湯論即前方加半夏半升生薑三兩煎服法同

乾薑黃連黃芩人參湯論

乾薑 黃連 黃芩 人參各三 右四味以水六升煮取二升分溫再服瀉心湯以下四方皆以黃芩為

主而因證加減此痢疾之正方也

赤石脂禹餘糧湯傷寒論 傷寒服湯藥下痢不止心下痞硬服瀉心湯已復以他藥下之痢不止醫以理

中湯與之痢益甚理中者理中焦此痢在下焦此湯主之

赤石脂 碎 禹餘糧 碎各一斤 以上二味以水六升煮取二升去滓三服下焦乃大腸之底也

雄黃丸 夷堅甲志云昔虞丞相自渠州被召途中冒暑得疾泄瀉連月夢壁間有韻語方一紙讀之數

遍其詞曰毒暑在脾濕氣連脚不泄則痢不痢則瘡獨煉雄黃蒸餅和藥甘草作湯服之安樂別作治

瘡醫家大錯如方製藥服之遂愈此方治暑毒痢

柴胡加芒硝湯傷寒論 治傷寒胸滿而嘔日晡所發潮熱已而微痢先以小柴胡解外後以此主之 即

柴胡湯方加芒硝二兩 右先煮柴胡湯去滓納芒硝分溫再服不解更作

瓜蒌散 治五色痢久不愈者

瓜蒌 一個以炭火煨存性蓋地上出火毒 右研細溫酒服盡

瘡熱毒痢血片臍下絞刺痛方外臺

升麻 地榆 茜草 黃連 各六分 犀角 四分 生地 八分 梔子 薤白 香豉 各二 右

九味水六升煮取一升五合分溫三服日再此血痢之主方

主赤白痢方外臺

黃連 二兩 阿膠 四片 右二味以酒二升合黃連煎十五沸去滓然後納阿膠令烊溫服三升此治血熱之痢

療五疳蒸下痢方外臺

苦參 青箱 甘草 各三兩 右三味以水四升煮取二升半分三灌即愈凡蒸但服地汁即差

此藥

雞白湯治人書 傷寒下痢如爛肉汁赤白帶下伏氣腹痛諸熱毒並皆治之

政半斤雞白一把 梔子七枚大者破之 右對如麻豆大以水二升半先煮梔子十沸下雞白煎至二升許

下政煎取一升二合去滓每服一湯盞

訶梨勒丸治腸胃積寒久痢純白或有青黑日夜無度

肉豆蔻去皮 木香 乾薑泡各二兩 縮砂仁 訶梨勒皮 川烏頭泡去皮臍 白礬煨各十分 龍骨洗

赤石脂各八兩 右為末用粟米飯為丸如梧子大每服二十丸至三十九丸溫粟米飲下食前服甚者

可倍加丸數此溫瀉之劑

葛根湯 葛根黃芩黃連湯 當歸四逆湯 大承氣湯 小承氣湯 四逆散

四逆湯 白通加豬膽汁湯 白通湯 四逆加人參湯 通脈四逆湯 猪膚湯

陽毒升麻湯以上十三方俱見傷寒門 生薑瀉心湯見嘔吐門 烏梅丸方見威喜丸和齋名感應丸此方

癩狂癩

靈素

靈癩狂篇狂始生先自悲也喜忘苦怒善恐者得之憂飢 狂始發少卧不飢自高賢也自辯智也自尊

貴也善罵詈日夜不休 狂言驚善笑好歌樂忘行不休者得之大恐 狂目妄見耳妄聞善呼者少氣

之所生也 狂者多食善見鬼神善笑而不發於外者得之有所大喜

骨癩 靈癩狂篇骨癩疾者顛當諸膺分肉皆滿而骨居汗出煩惋嘔多沃沫氣下泄不治

筋癩疾 靈癩狂篇筋癩疾者身倦學急嘔多沃沫氣下泄不治

脈癩疾 靈癩狂為脈癩疾者暴仆四肢之脈皆脹而縱脈滿盡刺之出血嘔多沃沫氣下泄不治

素生氣通天論陰不勝其陽則脈流薄疾并乃狂 宣明五氣論五邪所亂邪入於陽則狂 調經論血

并於陰氣并於陽故為驚狂 至真要大論諸躁狂越皆屬於火 通評虛實論帝曰癩疾何如岐伯曰

脈搏大滑久自己脈小堅急死不治帝曰癩疾之脈虛實何如岐伯曰虛則可治實則死 陽明脈解篇

岐伯曰四肢者諸陽之本陽盛則四支實實則能登高也帝曰其棄衣而走者何也岐伯曰熱盛於身故

棄衣欲走也帝曰其妄言罵詈不避親疎而歌者何也岐伯曰陽盛則使人妄言罵詈不避親疎而不欲

食不欲食故妄走也

陽厥怒狂 素病能論帝曰有病怒狂者此病安生岐伯曰陽氣者因暴折而難決故善怒也病名曰陽

厥帝曰治之奈何岐伯曰奪其食即已使之服以生鐵洛為飲夫生鐵洛飲者下氣疾也

胎病 素奇病論帝曰人生而有病癩疾者病名曰何安所得之岐伯曰病名為胎病此得之在母腹中

時其母有所大驚氣上而不下精氣并居故令子發為癩疾也

難經

癩疾始發意不樂僵仆直視其脈三部陰陽俱盛是也 重陽者狂重陰者癩

病源

風癩 風癩者由氣血虛邪入於陰經故也又人在胎其母卒大驚精氣并居令子發癩其發則仆地吐

涎沫無所覺是也 此俗名羊頭瘋

五癩 五癩者一曰陽癩發如死人遺尿食頃乃解二曰陰癩初生小時臍滄未愈數洗浴因此得之三

曰風癩發時眼相閉口發手足麻痺頭昏目眩

五日馬癩發作時時反目口噤手足相引身體皆然

鬼魅 凡人有為鬼物所魅則好悲而心自動或心亂如醉狂言驚怖向壁悲啼夢寤喜慶或為鬼神交通痛苦乍寒乍熱心腹滿短氣不能飲食此魅之所持也 十歲以上為癩十歲以下為癩大體不外三種風驚食是也

千金

驚癩 癩分心肝脾肺腎膈腸之病及馬牛羊猪犬雞之別其象各有所以

癩狂方

生鐵洛為飲素

生鐵洛即爐冶間鎚落之鐵屑用水研浸可以為飲其屬金其氣寒而重最能墜氣開結平水火之邪

故可以下氣疾除狂怒也凡藥中用鐵精鐵華粉鐵砂鐵銹水之類皆同此意此治癩狂之方以鐵肝為主

桂枝去芍藥加蜀漆龍骨牡蠣救逆湯傷寒 治傷寒脈浮醫以火迫劫之亡陽必驚狂起卧不安者

即桂枝湯去芍藥加蜀漆三兩洗牡蠣五兩煎龍骨四兩 右七味以水一斗煮取二升先煮蜀漆納

諸藥煮取三升去渣溫服一升

柴胡加龍骨牡蠣湯傷寒 治傷寒下之驚煩小便不利譫語身重不能轉側此湯主之

柴胡 龍骨 人參 茯苓 鉛丹 黃芩 桂枝略半 半夏 二合 大黃 二兩

牡蠣生一兩 生薑半一兩 大棗 六枚 右十二味以水八升煮取四升納大黃更煮去滓溫服一升

治癩狂百病千金

大麻子四升上好者 以水六升煮令芽生去滓煎取二升空腹頓服或多言語勿怪但使人摩手足煮法



良岩子散 治五癩

猪卵一具陰乾良岩子三斤牛黃八分鯉魚膽五分桂心研一兩右五味以清酒一升漬良岩子暴

令乾盡酒出搗合下篩酒服五分日再當醉不知稍增

抱膽丸治一切癩癩風狂或因驚恐怖畏所致及婦人產後血虛驚氣入心并室女經脈通行驚邪

蘊結

水銀 硃砂細研各半黑鉛一兩乳香一兩右將黑鉛入銚子內下水銀結成砂子次下硃砂乳香

乘熱用柳木槌研勻丸雞豆大每服一丸并花水吞下病者得卧切莫驚動覺來即安再服一丸除根

琥珀壽星丸治心膽被驚神不守舍或疾迷心竅恍惚健忘妄言妄見

天南星一斤掘坑深二尺用炭火五升於坑內燒紅取出炭掃淨用好酒一斤琥珀四兩硃砂研一兩

為衣一半右和猪心血三個生薑汁打麩糊攪令稠粘將心血和入藥末丸如桐子大每服五十丸煎

人參湯下日三

控涎丹治諸癩久不愈頑涎聚散無時變生諸證

川烏用生半夏湯洗白殭蠶炒各半兩生鐵粉三錢全蠍甘遂各二錢半右為細末生薑白

然汁為丸如菉豆大硃砂為衣每服十五丸食後生薑湯下忌食甘草

獨效苦丁香散 治忽患心疾癩狂不止得之驚憂痰氣上犯心包當治其源

以苦丁香即瓜蒂半兩為末每服一錢并花水調滿蓋投之得大吐熟睡勿令人驚起

甘遂散治癩狂及婦女心風血邪

甘遂末一錢用猪心取三管血三條和甘遂移少和之將心批作七片入藥在納哈之綿薄前用皮取

再服用別猪心過半日大便下惡物後服調和胃氣丸此病乍作乍醒者麪不食迷癡者不治

苦參丸治狂邪發惡或披頭大叫欲殺人不避水火以苦參為末蜜丸桐子大每服十丸薄荷湯下

礞石滾痰丸養生論蘇合香丸方至寶丹以上三方俱是通治按癲癩一證其輕者不拘何方可愈重者必用煨煉秘方僅能有效

痰飲

金匱

問夫飲有四何謂也師曰有痰飲有溢飲有支飲問曰何以異師曰其人素盛今瘦水走腸間漑漑有聲謂之痰飲飲後水流在脇下欬唾引痛謂之懸飲飲水流行歸於四肢當汗出而不汗出身體痠重謂之溢飲欬逆倚息氣短不得卧其形如腫謂之支飲水在心心下堅築短氣惡水不得飲水在肺吐涎沫欲飲水水在脾少氣身重水在肝脇下支滿噎而痛水在腎心下悸夫心下有留飲其人背寒冷如水大留飲者脇下痛引缺盆欬則輒已胸中有留飲其人短氣而渴四肢歷節痛脈沈者有留飲膈上病痰滿喘欬吐發則寒熱背痛腰疼目泣自出其人振振身瞤劇必有伏飲夫病人飲水多必暴喘滿凡食少飲多水停心下甚者則悸微者短氣脈雙弦者寒也皆天下後喜虛脈偏弦者飲也病痰飲者當以溫藥和之溫藥和之治飲總訣夫有支飲家久欬數歲其脈弱者可治實大數者死其脈虛者必苦冒其人本有支飲在胸中故也治屬飲家夫短氣有微飲當從小便去之病溢飲者當發其汗水在中當利小便水在四肢當發汗此亦總訣嘔家本渴渴者為欲解今反不渴心下有支飲故也假令瘦人臍下有悸吐涎沫而顛眩此水也先渴後嘔為水停心下此屬飲家全卸內經無一痰字然世間痰飲之病最多惟仲景大創既論而後萬世治痰之法始備

病源

癖飲 由飲水多。水停聚兩脇之間。遇寒氣相搏。則結聚成塊。在脇下弦亘起。按之作水聲。飲成形者為癖  
酒癖 因大飲酒後。渴而引飲無度。酒與飲停滯在脇肋下。結聚成癖。時時作痛。其狀脇下氣急而痛。  
膈痰 謂痰水結於胸膈之上。又犯大寒。使陽氣不行。令痰水結聚不散。而陰氣逆上。上與風痰相結。上衝於頭。即令頭痛。或數歲不已。久之腦痛。故云膈痰頭痛。若手足寒至節。即死。

痰飲方

苓桂甘朮湯金匱 心下有痰飲。胸脇支滿。目眩。此方主之。短氣有微飲。當從小便去之。此主之。腎氣丸亦

主之

茯苓四兩 桂枝各三兩 白朮各三兩 甘草一兩 右四味以水六升。煮取三升。分溫三服。小便則利。

甘遂半夏湯金匱 病者脈伏。其人欲自利。利反快。雖痢心下續堅滿。此為留飲欲去故也。此湯主之。

甘遂大者三枚 半夏十二枚 芍藥五枚 甘草如指大一枚 右四味以水二升。煮取半升。去滓。以蜜半升。和藥汁煎取八合。頓服之。甘遂甘草同用下飲尤速

十棗湯金匱 脈沈而弦者。懸飲內痛。此方主之。 欬家其脈弦。為有水。此主之。 又支飲家。欬煩。胸中痛

者。不卒死。至一百日。或一歲。亦宜此湯。

芫花煮 甘遂各等分 大戟各等分 右三味搗篩。以水一升五合。先煮芫花大棗十枚。取八合。去滓。納藥末。強人服一錢匕。羸人服半錢。平旦溫服之。不下者。明日更加半錢。得快之後。糜粥自養。此以散作湯法

小青龍湯金匱 治心下有水氣。乾嘔發熱。或欬或利。少腹滿而喘。

麻黃去節 芍藥各三兩 五味子半升 乾薑各二兩 甘草炙 細辛二兩 桂枝去皮各三兩 半夏半升 右八味

以水一斗。先煮麻黃。減二升。去上沫。內諸藥。煮取三升。去滓。溫服一升。老弱減半。小兒減半。女

雞子大熬令赤色。渴者去半夏加括蕒根三兩。噎者去麻黃加附子一枚泡。小便不利少腹滿。去麻黃加茯苓四兩。喘者去麻黃加杏仁半升。去皮尖。

木防己湯治膈間支飲其人喘滿心下痞堅面色黧黑其脈沈緊得之數十日醫吐下之不愈此湯主之。虛者即愈實者三日復發復與不愈者宜此湯去石膏加茯苓芒硝湯主之。

木防己三兩石膏十二枚桂枝二兩人參四兩右四味以水六升煮取二升分溫再服

木防己去石膏加茯苓芒硝湯治即前方去石膏加茯苓芒硝三合。右五味以水六升先煮四

味取二升去滓納芒硝再微煎分溫再服微痢則愈

澤瀉湯治心下有支飲其人苦冒眩

澤瀉五兩白朮二兩右二味以水二升煮取一升分溫再服此亦從小便去之法也

小半夏湯治嘔家本渴渴者為欲解今反不渴心下有支飲故也此湯主之

半夏半升生薑半斤右二味以水七升煮取一升半分溫再服此專嘔之方

小半夏加茯苓湯治卒嘔吐心下痞膈間有水眩悸者此湯主之。即前方加茯苓三兩一法煎法同

加茯苓而眩悸愈知茯苓治水之力大矣

葶藶大棗瀉肺湯治支飲不得息

葶藶煮令黃色大棗十二枚右先以水三升煮棗取二升去棗納葶藶煮取一升頓服不得息肺病所以專治肺

桂苓五味甘草湯治欬逆倚息不得卧服小青龍已多唾口燥寸脈沈尺脈微手足厥逆氣從小腹上

衝胸咽手足痺其面翕熱如醉狀因復下流陰股小便難時復冒者與此湯治其氣衝

茯苓四兩 桂枝四兩 去皮 甘草炙 五味子半升 右四味以水八升煮取三升去滓分溫三服此方不

與乾薑同服因服小青龍之後發洩已甚而氣衝故專於飲肺也

苓甘五味薑辛湯金 衝氣即低而反更效胸滿者用桂苓五味甘草湯去桂加薑辛以治其效滿

茯苓四兩 甘草 乾薑 細辛各三兩 五味半升 右五味以水八升煮取三升去滓溫服半升日三

苓甘五味薑辛半夏湯金 效滿即止而更復渴衝氣復發者以細辛乾薑為熱藥也服之當遂渴而渴

反止者為支飲也支飲者法當冒冒者必嘔嘔者復納半夏以去其水

茯苓四兩 甘草 細辛 乾薑各二兩 五味 半夏各半 右六味以水八升煮取三升去滓

溫服半升日三

苓甘五味加薑辛半夏杏仁湯金 水去嘔止其人形腫者加杏仁主之其證應納麻黃以其人遂痺故

不納之若逆而納之者必厥所以然者以其人血虛麻黃發其陽故也 即前方加杏仁半升 去皮 煎服

法同

苓甘五味加薑辛半夏杏仁大黃湯金 若面熱如醉此為胃熱上衝薑其面加大黃以痢之 即前方

再加大黃三兩 煎服法同以上五方因證加減精義當細參

厚朴大黃湯金 支飲胸滿者主之

厚朴一尺 大黃六兩 枳實四枚 右三味以水五升煮取二升分溫再服傳白胸滿

痰飲頭痛往來寒熱方金

常山一兩 雲母粉二兩 右二味搗篩為散熱湯服方寸匕吐之止吐不盡更服

赤石脂散金 痰飲吐水無時其源為冷飲過度脾胃氣弱飲食不化於水反吐不食

赤石脂... 臟令人肥健有人患飢諸藥不瘳服此一斤即愈本方云此方試之神效

前胡九 治心頭痰積宿水嘔逆不下食

前胡 白朮 甘草各五分 麥冬去心 旋覆花 豆蔻各三人 人參六分 枳實炙 大黃各四分

右九味為末蜜丸桐子大空腹酒下二十九漸加至三十九忌黍魚蒜等物

范汪大甘遂丸外 治留水久癖

芫花煮 甘遂 葶藶煮 大黃 苦參 大戟 芒硝 貝母 桂心略一

杏仁三十枚 巴豆三十枚 去皮心 烏喙三分 泡 右十二味為末其巴豆杏仁搗如膏蜜丸如豆大服二丸

日三不知稍加以意將息之忌蘆葶猪肉生葱

礬石湯外 治胸中痰癖頭痛不欲食及飲酒則阻痰

礬石 一兩 以水二升煮取一升納蜜半升頓服之須臾未吐飲少熱湯

金珠化痰丸方 治胸膈煩悶涕唾稠黏痰實欬咽溢不利

辰砂研飛 生白龍腦細研 皂莢子炒黃 白礬光明者於鑊石器 鈔白花細研 天竺黃研各 金箔二十

衣半夏湯洗七次用生薑一兩去皮 右以半夏皂莢子為末與諸藥研勻生薑汁煮麩糊丸如桐

子大每服十丸至十五丸生薑湯下食後臨卧服此方製半夏之法頗妙治上膈之痰最宜

葛花解醒湯東垣 治酒傷而成飲癖

蓮花青皮三分 木香五分 橘皮去白 白茯苓 人參 猪苓各一分 神麩炒 澤瀉 乾薑

白朮銹 白豆蔻仁 葛花 砂仁銹 五 右為細末和勻每服三錢白湯調下但得微汗酒

病去矣不可恃此過飲頻服取汗以損天年。

大青龍湯金匱見 防己椒目葶藶大黃丸金匱見 五苓散金匱 二陳湯和 腎氣丸 青州白丸

六君子湯 二腎散以上六方 小青龍加石膏湯見效 痰飲之證十居三四患之者無不胃疼嘔

效言之

咳嗽附肺

靈樞

靈樞玉版篇咳脫形身熱脈小以疾是逆也不過十五日而死矣脈小以疾訣死之法盡此四字

素問咳論帝曰肺之令人欬何也岐伯曰五臟六腑皆令人咳非獨肺也皮毛者肺之合也皮毛先受邪

氣邪氣以從其合也其寒飲食入胃從肺脈上至於肺則肺寒肺寒則外內合邪因而客之則為肺咳五

臟各以其時受病非其時各傳以與之肺欬之狀欬而喘息有音甚則唾血心欬之狀欬則心痛喉中介

介如梗狀甚則咽痛喉痺肝欬之狀欬則兩脇下痛甚則不可以轉轉則兩胛下滿脾欬之狀欬則右肘

下痛陰陰引肩背甚則不可以動動則欬劇腎欬之狀欬則腰背相引而痛甚則欬涎 五氣之久欬乃

移於六腑脾欬不已則胃受之胃欬之狀欬而嘔嘔甚則長蟲出肝欬不已則膽受之膽欬之狀欬嘔膽

汁肺欬不已則大腸受之大腸欬狀欬而遺矢心欬不已則小腸受之小腸欬狀欬而失氣氣與欬俱失

腎欬不已則膀胱受之膀胱欬狀欬而遺濁久欬不已則三焦受之三焦欬狀欬而腹滿不欲食飲此皆

聚於胃聞於肺使人多涕唾而面浮腫氣逆也 生氣通天論秋傷於濕上逆而欬 臟氣法時論腎病

者腹大脰腫喘欬身重 示從容論喘欬者是水氣并陽明也

金匱

久效數歲其服弱者可治其脈虛者必苦冒其人本有支飲在胸中故也治屬飲家上氣喘而躁者屬肺脹欲作風水發汗則愈

外臺

十菟一曰風效欲語因效言不得終也二曰寒效飲冷食寒因之而效也三曰支飲心下堅滿效引四肢痛脈反遲也四曰肝效效而引脇下痛也五曰心效效而吐血引手少陰也六曰脾效效而涎出續續不止下引少腹也七曰肺效效引頸項吐涎沫也八曰腎效效耳聾無所聞引腰并臍中也九曰膽效效引頭痛口苦也十曰厥陰效效引舌本也

效嗽方

射干麻黃湯金匱 效而上氣喉中作水雞聲此湯主之

射干法三枚 麻黃 生薑略四 紫苑 款冬花略三 五味子半升 細辛三兩 半夏八枚

大棗七枚 右九味以水一斗二升先煮麻黃兩沸去上沫納諸藥煮取三升分溫三服

皂莢丸金匱 效逆上氣時時唾濁但坐不得眠此方主之

皂莢八兩 剉去皮 右一味末之蜜丸梧子大以棗膏和湯服三九日三夜一服稠痰粘肺不能清痰非此不可

厚朴麻黃湯金匱 效而脈浮者此主之

厚朴五兩 麻黃四兩 石膏如雞子大 杏仁 半夏各半 乾薑 細辛略二 小麥一升 五味子半升

右九味以水一斗二升先煮小麥熟去滓納諸藥煮取三升溫服一升日三服麻浮風

澤漆湯金匱 效而脈沈者此主之

半夏半升 紫參五兩 澤漆三斤 以東流水五斗煮取一斗五升生薑 白前各五 甘草 黃芩 人參



桂枝略三

右九味咬咀納澤漆汁中煮取五升温服五合至夜盡脈沈伏

越婢加半夏湯全

效而上氣此為肺脹其人喘目如脫狀脈浮大者主之

麻黃六兩

石膏半斤

生薑三兩

大棗十五枚

甘草二兩

半夏半升

右六味以水六升先煮麻黃去上

沫納諸藥煮取三升分温三服

肺脹之喘最  
多知者絕少

小青龍加石膏湯全

肺脹效而上氣煩躁而喘脈浮者心下有水此主之

即小青龍加石膏二兩煎

法同小青龍湯  
方見痰飲

杏仁煎外

主氣嗽

杏仁一斤

去尖去

糖一合

生薑汁一合

蜜五合

貝母八分

蘇子一升

研始

右七味先搗杏

仁如泥納後六味合煎如飴糖取如棗大含嚥之日三但嗽發細細含之蘇子絞汁始有力

十味丸外

治久嗽有聲成肺癰者

麻黃去節

白前略

桑皮六兩

射干四兩

白薇三兩

百部五兩

地黃六兩

地骨皮五兩

橘皮三兩

右為末蜜丸桐子大桑皮湯下十九日再服稍加至十五丸

療上氣方外

葶藶五合

桑白皮為泥

大棗二十枚

右三味以水四升煮取一升去滓納葶藶子泥如棗大煮

三分減一以快利為度

鯉魚湯外

治上氣

杏仁煮

貝母

桂枝略

橘皮

人參

甘草炙

厚朴炙

麻黃去節

月桂

白前各二

桂枝六兩

半夏五兩

鯉魚五斤

右以水二斗煮魚得一斗

去滓

取三升二合分四服

鯉魚湯

取三升一合分四服水費身浮腫最妙  
右以水二斗煮魚得斗一升去魚

觀音應夢散夷堅志 治老人虛嗽

人參一寸 胡桃去殼不 右二味以棗二枚薑五片水煎服

補肺阿膠散錢 止嗽生津

阿膠半兩 馬兜鈴焙 惡實炒 甘草受各一兩 杏仁七錢 右加糯米一合水煎服此方治小兒天哮最效

清音丸錢 治咳嗽失音

桔梗 訶子略一 甘草五分 硼砂三錢 青魚三錢 冰片三分 右為末蜜丸龍眼大噙化一丸

葶藶丸 治肺氣欬嗽面目浮腫喘促不安小便赤色

甜葶藶隔紙炒 貝母煨黃 木通各一兩 杏仁 防己各二兩 右為末棗肉為丸桐子大桑白皮煎湯下

五十九

蘇子煎 治上氣欬嗽

蘇子 生薑汁 生地汁 白蜜 杏仁略一 右搗蘇子以地黃汁薑汁澆之以絹絞

取汁更搗以汁澆之絞令味盡去滓教令杏仁微黃黑如脂又以汁澆之絹絞往來六七度令味盡去

滓納蜜合和置瓦器中於湯上煎之令如飴每服方寸匕日三夜此治久嗽

蘇子降氣湯方局 治虛陽上攻氣不升降上盛下虛痰涎壅盛胸膈噎塞并久年肺氣壅效

蘇子 半夏錢二 前胡 甘草受 厚朴 陳皮各八分 當歸二錢 沈香七分 薑三片 右水

煎不拘時服若虛冷人加肉桂五分黃耆一錢

治久嗽上氣心胸煩熱吐膿血方

蘇子 鹿角膠炒 杏仁炒各 薑汁一合 白蜜一盞 生地汁一合 右將前三味搗令熟入薑汁

地黃汁蜜相和慢火熬成膏磁器中蜜封之每服半匙許溫粥飲調下日三四服此治寒嗽諸病之

味而最難愈治之稍誤即貽害無窮余以此證考求四十餘年而後  
辨能措手故所載之方至詳至悉學者當於此潛心參究勿輕視也

麥冬湯全酒見 小青龍湯 葶藶大棗瀉肺湯 桂苓五味甘草湯 桂苓五味去桂加薑辛湯

又去桂加薑辛半夏湯 又去桂加薑辛半夏杏仁湯 又去桂加薑辛半夏杏仁大黃湯以上

七方皆金匱治痰飲 麻黃附子細辛湯仲景方為梅丸金匱見 金珠化痰丸見痰人參蛤蚧散虛勞

疝

靈素

靈經脈篇肝所生病為狐疝 足厥陰病丈夫癢疝婦人少腹腫 素骨空論任脈為病男子內結七疝

督脈為病從少腹上衝心而痛不得前後為衝疝 陰陽別論三陽為病發熱寒其傳為癩疝 脈要精

微論診得心脈而急病名心疝少腹當有形也

病源

七疝 七疝者厥疝癢疝寒疝氣疝盤疝肘疝狼疝此名七疝也厥逆心痛足寒諸飲食吐不下名曰厥

疝也腹中氣下滿心下盡痛氣積如臂名曰癢疝也寒飲食即腸下腹中盡痛名曰寒疝也腹中乍滿乍

減而痛名曰氣疝也腹中痛在臍旁名曰盤疝也腹中臍下有積聚名曰肘疝也小腹與陰相引而痛大

便難名曰狼疝也凡七疝皆由血氣虛弱飲食寒濕不調理之所生

飢疝 陰氣在內寒氣客於足陽明手少陽之絡令食竟必飢心為之痛名曰飢疝

外臺

痛達背脊名尸疝 心下堅痛不可手迫名石疝 臍下結痛女子月事不時名血疝 少腹脹滿引勝  
狀急痛名脈疝 寒氣積於內上衝心如刀錐所刺四肢逆冷或脣口變青名心疝 癩疝堅大如斗諸  
疝癩疝最大而堅中起犯  
心即能殺人非疏黃不治

疝方

烏頭桂枝湯治寒疝腹中痛逆冷手足不仁若身皮膚多刺諸藥不能治者

烏頭疝者不必啖去以水二升煎減半去滓以桂枝湯五合解之煎法令得一升後初服二合不知

即服三合又不知復加至五合其知者如醉狀得吐者為中病

蜘蛛散陰狐疝氣者偏有大小時時上下此方主之

蜘蛛十四枚桂枝半兩右為散取八分一匕飲和服日再服蜜丸亦可俗名

大烏頭煎腹滿脈弦而緊弦則衝氣不行即惡寒緊則不欲食邪正相搏即為寒疝透臍痛苦發

則白津出手足厥冷其脈沈緊者此主之

烏頭大者五枚水二升煮取一升去渣納蜜二升煎令水氣盡煎法取二升強人服七合弱人

服五合不知明日更服不可一日再服沉寒入裏非大

洗陰腫核痛治丈夫陰腫大如斗核中痛者

雄黃末礬石研甘草生右以水一斗煮二升洗之神良

麝香大戟丸治陰癩腫脹或小腸氣痛

葫蘆巴四兩麝香一錢大戟兩茵香兩川棟子各二兩以好酒二升葱白七根長木香

訶子酒浸附子泡檳榔各一兩右九味為丸如桐子大或酒或薑湯下五十九此方通治疝氣

鹽牽牛味之類加入不方

濟生橘核丸 治四種癩病卵核腫脹偏有大小或堅硬如石痛引臍腹甚則膚囊腫脹成瘡時出黃水

或癰腫潰爛

橘核丸 海藻 昆布 海帶 各泡 川棟肉 炒 桃仁 各製厚朴 木通

枳實 延胡索 桂心 木香 右為細末酒丸桐子大每服七十丸酒鹽湯下

此軟堅之藥

川棟子丸 治疝氣及一切下部之疾腫痛縮小雖多年服此藥永去病根

川棟子 淨肉一斤分四處四兩用麩一合班貓四十九個同麩炒黃色去麩巴豆不用四兩用麩一合巴戟一兩同麩炒黃色去麩

巴戟不用四兩用鹽一兩茴香一兩同炒黃色去鹽及茴香不用 木香 見大 破故紙 香為度 右為末酒糊丸如桐子大每五十

丸鹽湯下甚者日進三兩服空心食前服

礪砂圓 有人貨疝氣藥日數千文有一國醫多全得之用之良驗

木香 沈香 巴豆肉 酪 青皮 二兩 銅青 研 礪砂 研 右上一香青皮三味細剉同巴

豆慢火炒令紫色為度去巴豆為末入青砂二味研勻蒸餅和丸如桐子大每服七丸至九丸鹽湯吞

下二三服空心食前服 按此方去既有理而用銅青 更奇此等所製海上方也

蟬脫散 治痔囊腫小兒坐地為刺或蟻吹著

蟬脫 半兩 水一椀煎湯洗再溫再洗仍與五苓散加燈心煎服 或湯吞

當歸生薑羊肉湯 撞氣阿魏丸 吐

蘭臺靴範卷四終

吳江徐靈胎洞溪著

喘

素問

經脈別論夜行則喘出於腎溢氣病肺有所墮恐喘出於肝溢氣害脾有所驚恐喘出於肺溢氣傷心度水跌仆喘出於腎與骨當是之時勇者氣行則已怯者則著而為病也 陽明脈解篇陽明厥則喘而惋惋則惡人帝曰或喘而死或喘而生者何也岐伯曰厥逆連臟則死連經則生 脈要精微論肝脈搏堅而長因血在脇下令人喘逆 逆調論腎者水臟主津液主臥與喘也此句入為喘之總訣生氣通天論因於暑汗煩則喘喝靜則多言 陰陽別論陰爭於內陽擾於外魄汗未藏四逆而起起則重肺使人喘鳴 水熱穴論水病者下為臑腫大腹上為喘呼不得臥者標本俱病故肺為喘呼腎為水腫肺為逆不得臥

金匱

上氣面浮腫肩息其脈浮大不治又加刺尤甚

喘方

麥冬湯 火逆上氣咽喉不利止逆下氣此主之

麥冬七升 半夏一升 人參 甘草兩 粳米三合 大棗十二 右六味以水一斗二升煮取六升

温服一升 日三夜一服 此即竹葉石膏湯去竹葉石膏加大棗也專清肺胃之火若火逆甚仍用竹葉石膏為妙

桂枝加厚朴杏子湯 喘家主之 於桂枝湯方內加厚朴二兩 杏仁五十個 去皮尖 餘依前法

麻黃杏仁甘草石膏湯 發汗後不可更行桂枝湯汗出而喘無大熱者此湯主之

麻黃四兩杏仁五十個甘草二兩石膏半斤碎  
右四味以水七升先煮麻黃減二升去上沫納諸

藥煮取二升去滓温服一升即越婢湯加杏仁去薑棗

定喘湯方治肺寒膈熱哮喘

麻黃 款冬花 半夏 桑皮各三錢蘇子二錢杏仁五錢白果二十枚炒黃芩 甘草各一錢

右以水煎徐徐服

皴肺丸 治喘

款冬花 知母 秦朮 百部去心紫苑 貝母 阿膠 糯米炒各一兩杏仁四兩

右為末將羊肺一具先以水灌洗看容得水多少即更添些煮杏仁令沸濾過灌入肺中繫定以糯米泔煮熱研爛成膏搜和前藥末杵數千下丸梧子大每服五十九食前桑白皮煎湯下

清燥救肺湯 治膈鬱喘嘔

桑葉三錢經霜者 石膏二錢半煨甘草一錢胡麻仁炒阿膠八分人參七分麥冬二錢杏仁七分去尖炒黃

枇杷葉毛蜜炙右九味以水一椀煎六分頻頻二三次滾熱服

小青龍加石膏湯 越婢加半夏湯俱見 瀉白散錢乙黑錫丸俱見

麻黃湯親傷資生腎氣丸 瀉白散錢乙黑錫丸俱見

臟脹水腫 靈素

靈素論黃帝問曰願聞脹之舍岐伯曰夫脹者皆在於臟腑之外四字總括明透排臟腑而郭胸膈脹皮膚故命曰脹帝曰未解其意岐伯曰夫胸腹臟腑之郭也臆中者心主之宮城也胃者太倉也咽喉小腸者傳送

靈素

靈素論黃帝問曰願聞脹之舍岐伯曰夫脹者皆在於臟腑之外四字總括明透排臟腑而郭胸膈脹皮膚故命曰脹帝曰未解其意岐伯曰夫胸腹臟腑之郭也臆中者心主之宮城也胃者太倉也咽喉小腸者傳送

曰脹帝曰未解其意岐伯曰夫胸腹臟腑之郭也臆中者心主之宮城也胃者太倉也咽喉小腸者傳送

也言之王醫者謂里門也廣泉王英者津源之道也故五臟六腑者各有畔界其病各有升狀氣機

脈衛氣逆為脈脹衛氣並脈循分為膚脹水脹篇黃帝問於岐伯曰水與膚脹臑脹腸覃石瘕石水何以別之岐伯答曰水始起也目窠上微腫如新卧起之狀其頸脈動時欬陰股間寒足脛腫腹乃大其水已成矣以手按其腹隨手而起如裹水之狀此其候也黃帝曰膚脹何以候之岐伯曰膚脹者寒氣客於

皮膚之間鬱然不堅腹大身盡腫皮厚按其腹窅而不起腹色不變此其候也臑脹何如岐伯曰腹脹身皆大大與膚脹等也色蒼黃腹筋起此其候也腸覃何如岐伯曰寒氣客於腸外與衛氣相搏氣不得

榮因有所繫癖而內著惡氣乃起瘕肉内生其始生也大如雞卵稍以益大至其成如懷子之狀久者離歲按之則堅推之則移月事以時下此其候也石瘕何如岐伯曰石瘕生於胞中寒氣客於子門子門閉

塞氣不得通惡血當瀉不瀉則留止日以益大狀如懷子月事不以時下皆生於女子可導而下陰陽別論云陰陽結邪多陰少陽曰石水少腹腫邪氣臑病形篇督脈微大為石水起臑已下至小腹

垂垂然上至胃脘死不治水為有形之物故按之即起臑病為無形之氣故按之不起腸覃乃腸外惡氣在少腹之中水結不散之症若臑脹則非氣非水臑病皮肉俱堅腫邪感正衰難為治矣

素腹中論黃帝問曰有病心腹滿日食則不暮食此為何病岐伯對曰名為臑脹帝曰治之奈何岐伯曰治之以雞矢醴一劑知二劑已水熱穴論黃帝問曰少陰何以主腎腎何以主水岐伯對曰腎者至陰

也至陰者盛水也肺者太陰也太陰者冬脈也故其本在腎其末在肺皆聚水也腎者胃之關也關門不利故聚水而從其類也故凡水病下為跗腫大腹上為喘呼不得卧者標本俱病氣厥論肺移寒於

腎為涌水涌水者按腹不堅水氣客於大腸疾行則鳴濯濯如囊裹漿水之病也陰陽應象大論濁氣在上則生腹脹

蘭臺軌範 卷五 臑脹水腫 二



師曰病有風水有皮水有正水有黃汗風水其脈自浮外證骨節疼痛惡風皮水其脈亦浮外證  
跗腫按之沒指不惡風其反如鼓不渴當發其汗正水其脈沉遲外證自喘石水其脈自沉外證腹滿不  
喘黃汗其脈沉遲身發熱胸滿四肢頭面腫久不愈必致癰膿脈浮而洪浮則為風洪則為氣風氣相  
搏風強為隱疹身體為痒痒為泄風久為痲氣強則為水難以俛仰風氣相擊身體洪腫汗出乃愈惡  
風則虛此為風水不惡風者小便通利上焦有寒其口多涎此為黃汗寸口脈沉滑者中有水氣面目  
腫大有熱名曰風水視人之目裹上微擁如蠶新卧起狀其頸脈動時時咳按其手足上陷不起者風  
水太陽病脈浮而緊法當骨節疼痛反不疼身體反重而酸其人不渴汗出即愈此為風水惡寒者此  
為極虛發汗得之渴而不惡寒者此為皮水身腫而冷狀如周痺胸中窒不能食反聚痛暮躁不得眠此  
為黃汗痛在骨節欬而喘不渴者此為肺脹其狀如腫發汗即愈然諸病此者渴而下利小便數者皆不  
可發汗裏水者一身面目黃腫其脈沉小便不利故令病水假如小便自利此亡津液故令渴也越婢  
加白朮湯主之少陰脈緊而沉緊則為痛沉則為水小便即難脈得諸沉當責有水身體腫重水病脈  
出者死夫水病人目下有卧蠶面目鮮澤脈伏其人消渴病水腹大小便不利其脈沉絕者有水可下  
之問曰病下痢後渴飲水小便不利腹滿因腫者何也答曰此法當病水若小便自利及汗出者自當  
愈心水者其身重而少氣不得卧煩而躁其人陰腫肝水者其腹大不能自轉側脇下腹痛時時津  
液微生小便續通肺水者其身腫小便難時時鴨澇脾水者其腹大四肢苦重津液不生但苦少氣  
小便難腎水者其腹大臍腫腰痛不得溺陰下濕如牛鼻上汗其足逆冷面反瘦師曰諸有水者腰以  
下腫當利小便腰以上腫當發汗乃愈師曰寸口脈沉而遲沉則為水遲則為寒寒水相搏跌陽脈伏

水穀不化脾氣衰則驚悸胃氣衰則身腫少陽脈卑少陰脈細男子則小便不利如人見然水不逆然為  
血血不利則為水名血分 師曰寸口脈遲而澹遲則為寒澹為血不足跌陽脈微而遲微則為氣遲則  
為寒寒氣不足則手足逆冷手足逆冷則榮衛不利榮衛不利則腹滿脇鳴相逐氣轉膀胱榮衛俱勞陽  
氣不通即身冷陰氣不通即骨疼陽前通則惡寒陰前通則痺不仁陰陽相得其氣乃行大氣一轉其氣  
乃散實則失氣虛則遺溺名曰氣分氣分非水病但此病無所附因血分而類及之也然金匱云  
氣分心下堅大如盤水飲所作則氣分似為水在氣中之病

病源

水分候 水分者言腎氣虛弱不能制水令水氣分散流布四肢故云水分但四肢皮膚虛腫聶聶而動  
者名水分也

燥水候 燥水謂水氣溢於皮膚因令腫滿以指畫肉上則隱隱成文字者名曰燥水也水腫之病千頭  
而實內連臟腑不但難愈即愈最易復病復即更難再愈所以內經針水病之穴多至百外而調養亦  
須百日反不若臃脹之證一愈可以不發治此證者非醫者能審定病症神而明之病者能隨時首察  
潛心調攝鮮  
有獲全者

臃脹水腫方此卷載水腫之方最備但病  
情不同各有所宜當細辨之

雞矢醴方治心腹滿且食不暮食

錫雞矢炒 無灰酒三碗 右共煎乾至一半許用布濾取汁五更熱飲則腹鳴辰巳時行二三

次皆黑水也次日覺足面漸有縐紋又飲一次則漸縐至膝上而病愈矣

防已茯苓湯皮水為病四肢腫水氣在皮膚中四肢聶聶動者主之

防已 黃耆 桂枝各三兩 甘草二兩 茯苓六兩 右五味以水六升煮取二升分溫三服

甘草麻黃湯裏水主之

甘草二兩 麻黃四兩 右二味以水五升先煮麻黃去上沫納甘草煮取三升溫服一升重覆汗出不汗再服慎風寒

麻黃附子湯 水之為病其脈沉小屬少陰浮者為風無水虛脹者為氣水發其汗即已脈沉者宜麻

黃附子湯 浮者宜杏子湯 金匱注云杏子湯未見恐是麻黃杏仁甘草石膏湯

麻黃三兩 甘草二兩 附子一枚 右三味以水七升先煮麻黃去上沫納諸藥煮取一升半溫服八

分日三服 發汗為治水要訣此乃發腎水之汗也

桂枝去芍藥加麻黃細辛附子湯 氣分心下堅大如盤邊如旋杯水飲所作此方主之

桂枝 生薑各三兩 甘草二兩 大棗十二枚 麻黃 細辛各二兩 附子一枚 右七味以水七升先煮

麻黃去上沫納諸藥煮取二升分溫三服當汗出如蟲行皮中即愈

枳朮湯 心下堅大如盤邊如旋盤水飲所作此方主之

枳實七枚 白朮二兩 右二味以水五升煮取三升分溫三服腹中軟即散

蒲灰散 治小便利

蒲灰七分 滑石三分 右二味杵為散飲服方寸匕日三服

已椒藶黃圓 腹滿口舌乾燥此腸間有水氣此方主之

防已 椒目 葶藶 大黃各一 右四味末之蜜丸如桐子大先食飲服一九日三服稍

增口中有津液渴者加芒硝半兩 此治腸間之水外症不必有水象也

牡蠣澤瀉散

牡蠣 澤瀉 括婁根 蜀漆 葶藶 商陸根 海藻 右七味異搗下

篩為散更入臼中治之白飲和服方寸匕小便利止後服日三

大腹水腫方針 治氣息不通命在旦夕者

牛黃二分 椒目三分 昆布 海藻 牽牛子 桂心各八

蔥如膏合和丸如桐子飲服十九日二稍加小便利為度正觀九年漢陽王惠水醫所不治余處此方

日夜尿一二斗五六日即瘥

麻豆湯千金 治遍身腫小便澀

麻黃二升 煎烏豆一斗以水四斗 桑根白皮切五

三日令盡豆不多不

十水丸千金

第一之水先從面目腫遍一身名曰青水其根在肝大戟主之 第二之水先從心腫名曰赤水其根

在心葶藶主之 第三之水先從腹腫名曰黃水其根在脾甘遂主之 第四之水先從腳腫上氣而

欬名曰白水其根在肺黨本主之 第五之水先從足跌腫名曰黑水其根在腎連翹主之 第六之

水先從面至足腫名曰元水其根在胆芫花主之 第七之水先從四肢起腹滿大身盡腫名曰風水

其根在胃澤漆主之 第八之水先四肢小腫其腹獨大各曰石水其根在膀胱桑根白皮主之 第

九之水先從小腸滿名曰暴水其根在小腸巴豆主之 第十之水乍盛乍虛乍來乍去名曰氣水其

根在大腸赤小豆主之 右十病藥皆等分與病狀同者則倍之白蜜和先食服一丸如小豆日三欲

下病者服三丸弱者當以意節之十水之名病源亦詳載其狀今立此方想當時本有此分別也姑存之

舟車神祐方阿 治水腫水脹形氣俱實者

黑牽牛四兩 大黃酒浸甘遂裹煨橘紅 大戟裹煨芫花醋炒青皮炒木香 五錢 檳榔 五錢

輕粉一錢 右為末。水丸。每服五分。五更添水下。大便利三次為度。若一二次不通。利次日漸加。至

一錢。若服後大便利四五次。或形氣不支。則減其服。三分二分俱可。或隔一三日服一次。以愈為度。

甚者忌鹽醬百日。

大聖濟川丸方類

大黃 牽牛 郁李仁各一兩 木香 芒硝各三錢 甘遂半錢 右為末。蜜丸。桐子大。諒人虛實

服之。此下水

木香散方類 治單腹脹

木香 青皮 白朮 薑黃 豆蔻各半兩 阿魏 畢澄茄各一兩 右為末。醋丸。如豆大。

每服二十九。薑湯送下。

葶藶丸方類 治水腫及脚并虛腫

葶藶子半兩 牽牛子半兩 澤漆葉 海藻洗去昆布如上桑根白皮炙 甘遂熬 椒目

郁李仁各三錢 桂心一分 右為末。蜜丸。桐子大。一服十五丸。日再加至二十九。

療水病洪腫氣脹不消食方外

香薷納金中。以水淹之。出香薷上數寸。煮濃汁去滓。煎令可。丸。桐子大。服五丸。日三。小便多為度。奴法。

療患氣兼水身面腫垂死方外

桑白皮 茯苓 郁李仁各四兩 橘皮二兩 海藻三兩 赤小豆一升 右六味。以水八升。煮二升。

半分三服

五香散 升平者氣宣利 三焦 疏導 經絡 安文 即 此 方 也 一 服 即 愈 一 服 即 愈 一 服 即 愈

五香散方 升降諸氣宣利三焦疏導壅滯發散邪熱治陰陽之氣鬱結不消諸熱蘊毒腫痛結核中脘

不快心腹脹滿

木香 丁香 沉香 乳香 藿香等分 右為粗末每服三錢水一盞半煎八分去滓

食後溫服此方治氣分亦宜

五皮散方 治風濕客於脾經氣血凝滯以致面目虛浮四肢腫滿心腹膨脹上氣促急兼治皮水姪姪

胎水

五加皮 地骨皮 生薑皮 大腹皮 茯苓等分 右五味每三錢水煎服一方加

白朮磨沉香木香

治蠱脹方雜抄 大麥粉五錢

敷藥方類 治腹滿堅硬如石陰囊腫大先用甘草嚼後用此

大戟 芫花 甘遂 海藻各等 右為末用醋調麵和覆貼腫處仍以軟綿裹住

沉香琥珀丸 治水腫一切急難症小便不通

琥珀 杏仁 紫蘇 赤茯苓 澤瀉各五錢 葶藶 郁李仁去皮尖 沉香各一兩半 陳皮

防己各七錢半 右為末蜜丸如梧子大以麝香為衣每服二十五丸加至五十丸空心人參湯送下量

虛實加減之

調榮飲 治瘀血流滯血化為水四肢浮腫皮血赤紋名血分

蓬朮 川芎 當歸 元胡索 檳榔 陳皮 赤芍 桑皮炒 大腹皮

赤茯苓 葶藶 瞿麥各一錢五分 細辛 官桂 甘草各五分 右以薑棗水煎服分

之病金匱有病無方此為至當

烏鯉魚湯方類 治水氣四肢浮腫

烏鯉魚 赤小豆 桑皮 白朮 陳皮銘 三葱白 五根

先喫魚後服藥不拘時

右以水三碗同煮不可入鹽

小胃丹丹

芫花醋炒過一宿凡器內不住手 甘遂麵裹長流水浸半 大黃紙裹煨勿令焦焙乾切以 洗時再用 乾五錢 黃柏炒 三兩 右為末以白朮膏丸如蘿蔔子大臨臥津液吞下或白湯下取膈上濕痰

熱積以意消息之欲痢空心服

一方加木香檳榔各半兩此即十棗湯加大黃黃柏

煨腎散 治腎家水腫

甘遂三錢 豬腰子一個 右細披破少鹽椒淹透搗藥末上荷葉包裹煨燒乾溫酒嚼服之

禹餘糧丸 治十種水氣脚膝腫上氣喘滿小便不利但是水氣悉皆治之許學士及丹溪皆云此治膨

脹之要藥即針砂丸又名蛇含石丸

蛇含石大者三兩以新鐵銚盛入炭火中燒石與銚子一禹餘糧三兩真針砂五兩以水淘淨炒乾 二升就銚內煮醋乾為度後用銚中候冷研極細末聽用

火中燒紅銚出傾藥淨溼地上候冷研細以三物為主其次量人虛實入下項此治水多是取轉難 扶持故虛人老人亦可下項藥 羌活 木香 茯苓 川芎 牛膝 桂心 白豆蔻

大茴香 蓬朮 附子 乾薑 青皮 三棱 白茯苓 當歸各半兩酒 右

為末入煎藥拌勻以湯浸蒸餅揆去水和藥再杵為丸梧子大食前溫酒白湯任下二十九至五十九

最忌鹽一毫不可入口否則發疾愈甚但試服藥即於小便內旋去不動臟腑病日三服兼入五加皮

補氣血樂助之真神方也此方精妙

越婢湯金匱越婢加朮湯方見風門五苓散治通甘草乾薑茯苓白朮湯金匱十棗湯見痰防已黃耆湯

濕門見

肺痿附肺癰

金匱

問曰熱在上焦者因欬為肺痿肺痿之病從何得之師曰或從汗出或從嘔吐或從消渴小便利數或從便難又被快藥下痢重亡津液故得之曰寸口脈數其人嗽口中反有濁唾涎沫者何師曰為肺痿之病若口中辟辟燥欬即胸中隱隱痛脈反滑數此為肺癰欬唾膿血脈數虛者為肺痿數實者為肺癰問曰病欬逆脈之何以知此為肺癰當有膿血吐之則死其脈何類師曰寸口脈微而數微則為風數則為熱微則汗出數則惡寒風中於衛呼氣不入熱過於榮吸而不出風傷皮毛熱傷血脈風舍於肝其人則欬口乾喘滿咽喉燥不渴多唾濁沫時時振寒熱之所過血為之凝滯蓄結癰膿吐如米粥始萌可救膿成則死肺癰之疾成膿亦有愈者全在則死用藥變化漢時治法或未全耳上氣面浮腫肩息其脈浮大不治又加刺尤甚上氣喘而躁者屬肺脹欲作風水發汗則愈

肺痿方

甘草乾薑湯醫肺痿吐涎沫而不欬者其人不渴必遺尿小便數所以然者以上虛不能制下故也此

為肺中冷必眩多涎唾甘草乾薑湯以溫之若服湯已渴者屬消渴

甘草四兩乾薑二兩

右二味以水三升煮取一升五合去滓分溫再服此乃治肺冷之方非肺痿

桂枝去芍藥加皂莢湯針治肺痿吐涎沫



桂枝 生薑各三 甘草二兩 棗十五枚 見英一枚 去皮 右五味以水七升煮取三升分三服肺症

不可輕用

葶藶湯針 治效有微熱煩滿胸中甲錯是為肺癰

葶藶 二升 薏苡仁 半升 桃仁 五十枚 瓜瓣 半升 右四味以水一升煮葶藶得五升去滓納諸藥煮取

二升服一升再服當吐如膿此方最穩

桔梗白散外 治效而胸滿振寒脈數咽乾不渴時出濁唾腥臭久久吐膿如米粥者為肺癰

桔梗 貝母各三分 巴豆一分 去脂 右三味為散強人飲

血膈下者瀉出若下多不止飲冷水一杯則定肺癰全屬內症肺癰乃係外科輕者煎藥可愈重者膿

不治所以金匱云始萌可救膿成則死也

甘草湯 治肺痿 炙甘草湯 治通 葶藶大棗瀉肺湯 方見 十味丸 方見

諸血

靈素

靈玉版篇 嘔血胸滿引背脈小而疾是逆也 衄而不止脈大是逆也 熱病篇 欬而衄汗不出出不至

足者死

血枯 素腹中論 帝曰有病胸脇支滿者妨於食病至則先聞腥臊臭出清液先吐血四肢清目眩時時

前後血病名為何何以得之岐伯曰病名血枯此得之年少時有所大脫血若醉入房中氣竭肝傷故月

事少不來也

溺血 素氣厥論 胞移熱於膀胱則癥溺血 痿論 悲哀太甚則胞絡絕胞絡絕則腸氣內動發則心下

金匱

夫吐血欬逆上氣其脈數而有熱不得卧者死 夫酒客欬者必至吐血此因極飲過度所致也 師曰尺脈浮目睛黃衄未止量黃去目睛慧了知衄今止又曰從春至夏衄者太陽從秋至冬衄者陽明衄家不可汗汗出必額上陷脈緊急直視不能胸不得眠 病人面無血色無寒熱脈沉弦者衄浮弱手按之絕者下血煩欬者必吐血 亡血不可發其表汗出即寒慄而振

瘀血 病人胸滿唇痿舌青口燥但欲嗽水不欲咽無寒熱脈微大來遲腹不滿其人言我滿為有瘀血 病者如熱狀煩滿口乾燥而渴其脈反無熱此為陰伏是瘀血也當下之

病源

吐血有三種一曰內衄二曰肺疽三曰傷胃內衄者出血如鼻衄但不從鼻孔出是近心肺間津出還流入胃內出如豆汁或如衄血凝停胃裏因即滿悶便吐或去數升乃至一斛是也肺疽者言飲酒之後毒滿便吐吐已後有一合二合或半升一升是也傷胃者是飲食大飽之後胃內冷不能消化則便煩悶強嘔吐之所食之物與氣共上衝感因傷損胃口便吐血色鮮正赤是也此三種皆吐血與咳血迥別凡吐血之後體恒惓惓然心裏煩燥悶亂紛紛顛倒不安寸口脈微而弱血氣俱虛則吐血關上脈微而芤亦吐血脈沉者生喘欬上氣浮大者死久不瘥面色黃黑無復血氣時寒時熱此三者乃吐血症若數血

舌血 心臟有熱則舌上出血

九竅出血 榮衛大虛腑臟傷損血脈流散脈數不得卧者死

汗血 肝臟血心之液為汗肝心俱傷於邪則汗血

外臺

便血 先血後便為遠血先便後血為近血

諸血方

血枯方

以四烏鯁骨一蔥茹二物并合之丸以雀卵大如小豆以五丸為後飯飲以鮑魚汁利腸中

及傷肝也

後飯先藥後飯也烏鯁即烏賊治女子赤白漏下令人有子蔥茹即菖草能益精通經雀卵即麻雀卵補精血治陰痿鮑魚即淡乾魚石首為勝能通血脈益陰氣

柏葉湯

治吐血不止

柏葉

乾薑兩三艾三把

右三味以水五升取馬通汁一升合煮取一升分溫再服

瀉心湯

治心氣不足吐血衄血此湯主之

大黃二兩黃連

黃芩兩一

右三味以水三升煮取一升頓服之

蒸血潤腸湯

治血枯及死血在腸飲食不下大便燥

當歸三錢白芍煨

生地錢半紅花

桃仁炒大黃酒煨

枳殼錢一韭汁酒半

右八味以水一

鍾半煎七分食前服

治吐血百治不瘥瘥十瘥神驗不傳方針

地黃汁半升大黃生末寸方

右二味煎地黃汁三沸納

大黃末調和空腹服之日三即瘥用大黃極少不過引生地下連耳

犀角地黃湯針

治傷寒及溫病應發汗而不汗之內蓄血者及鼻衄吐血不盡內餘瘀血大便黑面黃

消瘀血

犀角一兩生地黃八兩芍藥三兩丹皮二兩

右四味咬咀以水九升煮取三升分三服喜妄如狂

者加大黃二兩黃芩三兩其人脈大來遲腹不滿自言滿者為無熱但依方二味不必加

犀角地黃湯 主脈浮客脈乳相合血積胸中熱之甚血在上律此湯主之

犀角 大黃 鎔一黃芩 三錢 黃連 二錢 生地 四錢 右五味水煎食後服

四生丸 治吐血衄血血熱妄行

生荷葉 生艾葉 側柏葉 生地 等分 右搗爛丸如雞子大每服一丸水煎去滓服

煎湯亦一法

白芨枇杷丸 治咯血

白芨 一兩 枇杷葉 去毛 藕節 各五錢 右為細末另以阿膠五錢蛤粉炒用生地汁調之火上頓化入

前藥為丸如龍眼大每服一丸 此治肺血之方 枇杷葉節只宜作湯為丸 非此法

皮膚血汗方 郁李仁 去皮研 以鵝梨搗汁調下

汗血方 用人中白新瓦焙乾入麝香少許溫酒調服立效

諸竅出血方 聖惠 頭髮 敗機 陳蓮蓬 並燒灰 右三味每服三錢木香湯下

療舌上出血如孔鑽者 針 前香需飲汁服

療舌血不止 針 用槐花炒為末 搽上 蒲黃灰 亦可搽

紫霜丸 治舌上出血竅如針孔

紫金砂 即露蜂房頂上 蘆薈 三兩 貝母 四錢 右為細末蜜丸櫻桃大每服一丸煎化服吐血衄血

用溫酒化服

療齒斷血出 針 竹茹四兩醋浸一宿含之

療酒醉牙齒涌血 針 燒釘赤炷血孔中即止 此烙也

雄黃麝香散 治牙斷腫爛出血

雄黃 血竭 白礬枯各一錢半 麝香一字 銅綠 輕粉 黃連 黃丹炒各一錢 右共為末

研勻敷患處

治牙縫出血方類 以紙緝子蘸乾蟾酥少許於血處按之立止

黃連散 治齒縫間出血吃食不得

黃連 白龍骨 牙硝各一兩 白礬一分 龍腦一錢 右為細末每用少許敷牙根上

療滿口齒血出 枸杞子為末煎湯漱之然後吞下立止根亦可 一方用子汁含滿口更後吃

治牙宣方 用棉花核燒灰擦

療鼻滬血三升氣欲絕方針 龍骨末一棗核許微以氣吹入鼻中即斷更出者更吹之

茅花湯活人書 治鼻衄 茅花每服三錢煎服不拘時

地黃散疔 治鼻衄久不愈

生地 熟地 地骨皮 枸杞子 右等分焙乾為末蜜湯調下

療淋血方外臺 苧麻根十枚水五升煮取二升服神驗

療小便出血方外 龍骨末二方寸匕酒一升服之日三

瞿麥散奇效方 治血淋尿血

瞿麥穗 赤芍 車前子 白茅根 赤茯苓 桑白皮 石韋去毛 生乾地黃

阿膠炒 滑石 黃芩 甘草炙各二錢 右為細末每服二錢入血餘燒灰二錢調服

神效方 治血淋

海螵蛸

生乾地黄

赤茯苓等分

右為細末每服一錢用柏葉車前子煎湯下

髮灰散

治血淋小便出血如尿

用亂髮燒灰入麝香少許每服一錢用米醋溫湯調下

玉屑散

治尿血并五淋砂石疼痛不可忍受者

黃耆

人參等分

右為末用蘿蔔大者切一指厚三指大四五片蜜奄少時曬蜜炙乾復曬復

炙薑蜜二兩為度勿令焦至熟曬黃耆人參末吃不拘時仍以鹽湯送下製法

鹿角膠丸

生清

治房勞傷小便尿血

鹿角膠

半兩

沒藥

另研

油頭髮繩絡三

右為末茅根汁打麵糊丸桐子大每服五十九鹽湯下

黃土湯

治下血先便後血此遠血也

甘草

乾地黄

白朮

附子泡

阿膠

黃芩各三兩

灶中黃土半斤

右七味以水八

升煮取三升分溫三服

赤小豆當歸散

治下血先血後便此近血也

赤小豆

三升浸

令乾

當歸三兩

右二味杵散漿水服方寸匕日三服

牛角鯁灰散

治卒下血

黃牛角鯁一具燒赤色為細末煮豉汁和二錢服重者日三

豬臟丸

治大人小兒大便下血日久多食易飢腹不痛裏不急先用海螵蛸炙黃去皮白者為末木

賊草煎湯調下三日後效後用黃連二兩嫩豬臟二尺去肥

右以黃連塞滿豬臟茶兩頭煮十分爛

研細添糕糊丸梧子大每服三五十九食前米飲送下

此方治婦人血崩亦良

又豬臟丸

治痔漏下血

豬臟

一條洗淨

槐花

炒為末填入臟內兩頭紫定磁器內米醋煮爛

右搗和丸如梧子大每服五十九食前當歸湯下

抵當湯 抵當丸 俱見 桃核承氣湯 治熱結膀胱小腸急結者以上三方俱見傷寒 大黃蘗蟲丸 百花煎 人參蛤蚧散 以上

虛勞 瓊玉膏 龍腦雞蘇丸 千金地黃湯 治亡血脫血身唇色白無力者方 俱見通治

壹喝嘔吐附關格

靈素

靈結根篇太陰為開厥陰為闔少陰為樞故開折則倉廩無所輸腸胃洞者取之太陰視有餘不足

上膈篇黃帝曰氣為上膈者食飲入而還出余已知之矣盍為下膈 下膈名蟲以屬蟲為志當以治蟲之法治之 下膈者食

時時乃出余未得其意願卒聞之岐伯曰喜怒不適食飲不節寒溫不時則寒汁流於腸中流於腸中則

蟲寒蟲寒則積聚守於下管則腸胃充郭衛氣不榮邪氣居之人食則蟲上食則下管虛下管虛

則邪氣勝之積聚已留留則癰成癰成則下管約其難在管內者即而痛深其難在外者則癰外而痛浮

癰上皮熱 五味篇苦走骨多食之變嘔苦入於胃令人五穀之氣皆不能勝苦苦入下脘三焦之道皆

閉而不通故變嘔 四時氣篇善嘔嘔有苦長太息心中憺憺恐人將捕之邪在胆逆在胃胆液泄則口

苦胃氣逆則嘔苦故曰嘔 經脈篇足太陰病舌本強食則嘔胃脘痛腹脹善噯足厥陰所生病者胸滿

嘔逆

素陰陽別論一陽發病少氣善欬善泄其傳為膈 三陽結謂之膈 至真要大論諸嘔吐皆屬於熱

關格 六節臟象論人迎一盛病在少陽二盛病在太陽三盛病在陽明四盛以上為格陽寸口一盛病

在厥陰二盛病在少陰三盛病在太陰四盛以上為格陰人迎與寸口俱盛四格以上為關格關格之脈

贏不能極於天地之精氣則死矣 此指關格之脈非病名也

金匱

嘔家有癰膿不可治嘔膿盡自愈。先嘔却渴者此為欲解先渴却嘔者為水停心下此屬飲家嘔家本渴今反不渴者以心下有支飲故也。問曰病人脈數數為熱當消穀引食而反渴者何也師曰以發其汗令陽微膈氣虛脈乃數數為客熱不能消穀胃中虛故也。跌陽脈浮而濇浮則為虛虛則傷脾脾傷則不磨朝食暮吐暮食朝吐宿穀不化名曰胃反脈緊而濇其病難治。病人欲吐者不可下之。嘔而脈弱小便復利身有微熱見厥者難治。

傷寒論

脈上微頭小者則汗出下微本大者則為關格不通不得尿頭無汗可治有汗者死。寸口脈浮而大浮則虛大為實。在尺為關在下為格關則不得小便格則吐逆。跌陽脈伏而濇伏則吐逆水穀不化濇則食不得入名曰關格。此乃關格之病。按關格之證內經傷寒論所指不同內經所云是不治之論傷寒論所云則平暴之疾當於通便止嘔方法隨宜施治可也。

千金

走嘔下焦熱氣逆不續嘔吐不禁

外臺

五噎 夫五噎謂一曰氣噎二曰憂噎三曰食噎四曰勞噎五曰思噎雖有五名皆由陰陽不和三焦隔絕津液不行憂恚嗔怒所生謂之五噎噎者噎塞不通也。

氣噎 陰陽不和寒氣填於胸膈故氣噎不通令人喘胸背痛也。

卒食噎 由臟冷而不理津液少而不能傳行飲食也。

噎膈嘔吐方

茱萸湯 嘔而胸滿者此湯主之。乾嘔吐涎沫頭痛此亦主之。



柴萸一升人參三兩生薑六兩大棗十二右四味以水五升煮取三升温服七合日三服

生薑瀉心湯湯寒治胃中不和心下痞鞭乾噫食臭膈下有水氣腹中雷鳴下痢

生薑四兩甘草炙人參黃芩各三兩半夏乾薑各一大棗十二右七味以水一斗煮取

六升去渣煎取三升温服一升日三服生薑乾薑同用取辛以開之

半夏瀉心湯瀉嘔而腸鳴心下痞者此湯主之

半夏瀉心湯黃芩乾薑人參各三兩黃連一兩大棗十二甘草三兩右七味以水一斗煮取

六升去滓再煎取三升温服一升日三服

黃芩加半夏生薑湯瀉乾嘔而利者此湯主之

黃芩三兩甘草炙芍藥各二兩半夏半斤生薑三兩大棗十二右六味以水一斗煮取三升去渣

温服一升日再夜一

猪苓散瀉嘔吐而病在膈上後思水者解急與之思水者此湯主之

猪苓茯苓白朮各等分右三味杵為散飲服方寸匕日三服傷飲惡飲此乃常理若胸中

水但不能多飲耳

大半夏湯瀉反胃嘔吐者此湯主之

大半夏湯三升洗人參三兩白蜜一升右三味以水一斗二升和蜜揚之二百四十遍煮藥取二升半

温服一升餘分再服其妙在用水

大黃甘草湯瀉食已即吐者此湯主之

大黃四兩甘草一兩右二味以水三升煮取一升分温再服此治上

茯苓澤瀉湯陰 胃反吐而渴欲飲水者此湯主之

茯苓半斤澤瀉四兩甘草三兩桂枝二兩白朮三兩生薑四兩

右六味以水一斗煮取三升納澤瀉

再煮取二升半温服八合日三服此治蓄飲之吐納澤瀉再熱似先煮五味後煮澤瀉

文蛤湯陰 吐後渴飲得水而貪飲者此湯主之兼主微風脈緊頭痛

文蛤五兩麻黃二兩甘草二兩生薑各三兩石膏五兩杏仁五十大棗十二

右七味以水六升煮取

二升温服一升汗出愈文蛤亦入煎劑

生薑半夏湯陰 病人胸中以喘不喘似嘔不嘔似噦不噦心中憤憤然無奈者此湯主之

生薑半斤半夏一斤右二味以水七升煮取二升納生薑汁煮取一升半小冷分四服日三夜

一服止俾後服此治寒飲之症納汁再煮似先煮半夏

半夏乾薑散陰 乾嘔吐逆吐涎沫此主之

半夏各等乾薑各等右二味杵為散取方寸匕漿水一升半煎取七合頓服之此治胃寒之吐

葛根加半夏湯陽寒 太陽陽明合病不下痢但嘔者主之

葛根四兩麻黃三兩去節湯泡生薑三兩甘草二兩芍藥二兩桂枝二兩大棗十二半夏半斤右

八味以水一斗先煮葛根麻黃減二升去白沫納諸藥煮取三升去渣温服一升覆取微似汗

橘皮湯陰 乾嘔噦若手足厥者此湯主之

橘皮四兩生薑半斤右二味以水七升煮取三升温服一升下咽即愈此治胃氣不通之吐

橘皮竹茹湯陰 噦逆者此湯主之

橘皮二升竹茹二升大棗三十生薑半斤甘草五兩人參一兩右六味以水一斗煮取三升温服

一升日三服

黃連丸傷寒論 傷寒胸中有熱胃中有邪氣腹中痛欲嘔吐者主之

黃連 甘草炙 乾薑 桂枝去皮各 人參二兩 半夏半斤 大棗十二

取六升去渣溫服一升日三夜一服邪氣寒氣也 故寒熱並用

昆布丸 治五噎咽塞食飲不下

昆布洗 麥冬 天冬 阿膠剉 木通 大黃 朴硝各一兩 郁李仁 桂心

百合各一兩 羚羊角 杏仁 蘇子 射干各半兩 柴胡 陳皮 檳榔各五分 右藥蜜

丸桐子大熱酒下每服三十丸不拘時

關格不通方千金

芒硝 芍藥 杏仁各四兩 枳實一兩 大黃半斤 地黃二兩 右藥以水七升煮取三升分三服

千金理諸噎方 常食乾粳米飯即不噎

又方 崎 炭末細羅九如彈子大含少許細細咽津即下

中風客熱噎方千金 竹茹四兩 生米五合 右二味以水六升煮米熟服之

嘔噎方千金 蘆根五兩 以水五升煮取三升分三服兼服小兒尿一二合良

消穀九千金 主數年不能飲食

小麥蘖 七月七日麴格一乾薑 烏梅各四 右四味搗篩為末煉蜜丸如桐子大空腹酒

服十五丸日再稍加至三十丸其寒在胸中及反胃翻心皆差

卒噎千金 男噎女人丁壯氣盛者噎其肺俞女子男子噎之

廣濟橫柳散外臺 療吐酸水每食則變作醋水吐出

檳榔十六分 人參六分 茯苓八分 橘皮六分 藜蘆六分 右五味搗篩為散平晨空腹生薑五六兩合

皮搗絞取汁溫納散方寸匕攪調頓服之日一服漸加至一七半純薑汁服末藥難入口祇宜取薑汁一滴拌藥別飲送下為安

崔氏方外臺 療食則吐或朝食夜吐名曰胃反或氣噎不飲食數年羸削惟飲水亦同此方

半夏六兩 人參六兩 生薑一兩 橘皮二兩 牛涎一升 春杵頭糠一升 厚朴二兩 羚羊角三兩 右以

水八升煮取三升分溫三服頻服

深師治噎方外臺

羚羊角 前胡 甘草 人參 橘皮各二兩 右五味以水六升煮取三升分四服

反胃方本事 驢水即驢小便 日服二合後食微吐一半晡時又服二合人定時食粥吐出便定

丁香柿蒂湯嚴氏 治寒呃

丁香 柿蒂各二錢 人參一錢 生薑五片 煎服

治冷呃方 刀豆子煨存 酒服錢許

撞氣阿魏丸方 治五種噎疾九般心痛痞氣塊冷氣攻刺及脾胃停寒胸滿膨脹嘔吐酸水丈夫小

腸氣痛婦人氣血等疾

茴香炒香 陳皮去白 青皮 川芎 丁香皮 蓬莪朮泡 甘草泡各縮砂仁 肉桂去粗皮各

研生薑四兩鹽 白芷泡半 胡椒二錢 阿魏二錢半醋浸 右為末用阿魏丸雞頭大母藥丸一斤用

硃砂七錢為衣丈夫氣痛炒鹽湯下一粒至二粒婦人血氣醋湯下常服一粒爛嚼茶酒任下此方結

溫熱之藥有火者不宜服 此卷所載方論種種各殊然皆係嘔吐反胃水飲蟲積等症非真腸病也 嘔病乃胃口枯槁之症百無一治論中雖有格脈格症而其形象俱未詳載必臨症多乃能識其真耳

旋覆代赭湯

四逆湯

小柴胡湯

以上諸方俱見傷寒

小半夏湯

方見痰飲

竹葉石膏湯

加生薑見通治

泄瀉

靈素

靈論疾診尺篇飡泄脈小者手足寒難已飡泄脈小手足溫泄易已

玉版篇其腹大脹四末清脫形泄

甚逆也

諸病暴注下迫皆屬於熱素陰陽應象大論清氣在下則生飡泄春傷於風夏生飡泄

濕勝則濡泄

脈要精微論久風為飡泄平人氣象論泄而脫血難治玉機真臟論泄而脈大難治

難經

泄凡有五其名不同有胃泄有脾泄有大腸泄有小腸泄有大瘕泄名曰後重胃泄者飲食不化色黃脾

泄者腹脹滿泄法食即嘔吐大腸泄者食已窘迫大便色白腸鳴切痛小腸泄者溲而便膿血少腹痛逆

大瘕泄者裏急後重數至圜而不能便莖中痛此五泄之要法也

泄瀉方

溫脾湯

本方 主治錮冷在腸胃間泄瀉腹痛宜先取去然後調治不可謂虛以養病也

厚朴

乾薑

甘草

桂心

附子略二

大黃四錢

右六味咬咀取一兩水二鍾煎六

分頓服

不可謂虛以養病此古之要訣後人反是

訶梨勒丸

生 治大腸虛冷泄瀉不止腹脇引痛飲食不化

訶梨勒麵裹

附子泡

肉豆蔻麵裹

木香

吳茱萸炒

龍骨生用

白茯苓

萹撥等分

右為末生薑汁煮麵糊丸如梧子大每服七十九空心米飲下

香茸丸

治飲酒多遂成酒泄骨立不能食但再飲一二盞泄作幾年矣

嫩廣首煎 肉豆蔻一兩生麝香一錢 右為末陳米飯為丸如梧子大每服五十九空心米飲下

固腸丸得效 治臟腑滑泄晝夜無度

吳茱萸 御粟殼 黃連洛等 右為末醋糊丸如桐子大每服三十丸空心米飲下

附子理中丸方 治脾胃冷弱心腹疼痛嘔吐瀉痢霍亂轉筋體冷微汗手足厥冷心下逆冷滿悶腹中

雷鳴飲食不進及一切沉寒錮冷並皆治之

人參一兩附子泡一枚 乾薑泡 甘草炙各一兩 白朮土炒二兩 右為末蜜丸每藥一兩作十九每服一丸以

水一盞化開煎至七分稍熱食前服

四君子湯方 六君子湯 歸脾湯 平胃散 補中益氣湯 枳實丸消痞積止泄瀉 瀉黃散 五苓散

四神丸 藿香正氣散方見通治以上 四逆散治泄瀉陰 大承氣湯 小承氣湯 調胃承氣湯 敗毒

散 葛根湯 葛根黃芩黃連湯以上七方俱見傷寒厚朴七物湯方見腹痛門 按泄瀉乃一時寒暖不調水穀不

散之品一二劑即愈今所集方內多脾胃虛寒久病之方隨症酌用可也

蘭臺軌範卷五終